

## Déi neiste Baitreeg op dësem Site:

### News

#### [7.6.2015 Lëtzebuerg seet kloer Nee zum Ausländerwahlrecht trotz massiver Campagne vum Jo.](#)

06 Jun 2015

(comments: 0)

D'Lëtzebuerger hunn sech net aschüchteren gelooss vun der massiver a koordinierter Jo-Campagne vun der Regierung, vum groussen Patronat, vun de Spëtzen vun de Gewerkschaften, vun Dealer vun de Medien, vun der Kierch, vun selwerernannten Eliten vun der Jo-Campagne an vun Gruppen vun Konschtschafenden.

Mir vum Nee2015 haten de Courage dem Nee eng staark a kloer Stëmm ze ginn an domat hu mir dat gesot, wat eng kloer Majoritéit vun de Lëtzebuerger denkt! Leit aus allen Dealer vun der Gesellschaft hunn eis ënnerstëtzt an eis Merci gesot, well si net an d'Effentlechkeet wollten goen matt hirer Meenung.

Et ass en groussen Moment fir déi Lëtzebuerger Demokratie, wou d'Wieler gewisen hunn, dass si onofhängeg an couragéiert hier Meenung ausdrécken matt hirer Stëmm.

Mir vum Nee2015 sinn houfreg, dass mir matt nëmmen 3.000 Euro an dem Input vu Leit aus allen Dealer vun der Gesellschaft eng efficace Campagne gemaach hunn géint e Budget vun méi wei 100.000 Euro a géint vill Versich eis an den extremen Eck ze drécken.

Mir sinn déi politesch Mëtt an net déi, déi eis de Jo als politesch Mett verkafen wollten!

Politik muss matt de Leit gemaach ginn. Et soll hinnen nogelauschtert ginn a net iwwer d'Leit ewech decidéiert ginn.

Dofir kämpfen mir weider!

Aus dem Nee2015 gött den Wee2050!

Mir mellen eis.

[Read more ... 7.6.2015 Lëtzebuerg seet kloer Nee zum Ausländerwahlrecht trotz massiver Campagne vum Jo.](#)

#### [6.6.2015 Villmools Merci](#)

06 Jun 2015

(comments: 0)

Dës Campagne geet op en Enn. Mir konnten dem Nee eng kloer Stëmm ginn an soen iech dofir e groussen Merci:

Dofir e groussen Merci un all:

- d'Aktivisten
- eis Beroder aus allen Deeler vun der Gesellschaft
- all den Supporter déi d'Säit gelikt hunn an Kommentare geschriwwen hunn.
- der Escher Integratiounskommissioun fir hiren Courage fir eng fair an equilibréiert Versammlung ze organisieren wou mir fir d'éischt agelueden waren.
- all den Gemengen an Associatiounen déi eis op Wahlversammlungen agelueden hunn: d'Nordstad, d'Stad Lëtzebuerg, d'Gemeng Schëtter, de mec asbl (Iechternach), an Europe direct (Ëlwen)
- der CSV, der ADR ab deenen Lénken well si an der Chamber eng Motioun fir en fairen an equilibréierten Débat gestëmmt hunn.
- den Medien fir, heiansdo hart, awer ëmmer fair Interviewen an Reportagen: RTL Radio, RTL Télé, Radio 100,7, Radio Latina, Radio France Inter, SFR, Wort, Quotidien, d'Land, Delano, Contacto, Jeudi an NZZ....
- der Ugda dass se de Courage haten zur Neutralitéit

Dir hutt all eisen groussen Respekt an mir soen Villmools Merci.

[Read more ... 6.6.2015 Villmools Merci](#)

## [5.6.2015 Nee Merci zur Verwässerung vun der Nationalitéit](#)

05 **Jun** 2015

(comments: 0)

Jo zur Vereinfachung vun de Prozeduren, Nee Merci zur Verwässerung vun der Nationalitéit.

D'Campagne vum Referendum huet kloer gewisen dass e groussen Deel vun de Lëtzebuerger géint d'Ausländerwahlrecht ass an och géint eng Verwässerung vun der Nationalitéit, zemools bei de Sproochekenntnisser.

Mir se besuergt dass d'CSV dem Drock vun de Regierungsparteien an och intern noginn muss an de Wëllen vun ganz villen Wieler net verteidegen kann. Dat muss verhënnert ginn!

Mir sinn domat averstanen dass d'Prozedur fir d'Nationalitéit ze kréien, sou wéi och ganz vill aner staatlech Prozeduren, vereinfacht muss ginn. Dat ass gesonden Mënscheverstand, wou parteiwwergräifend en Konsens misst do sinn. Komm mir maachen dat zesummen!

Wou mir awer ganz kloer dergéint sinn ass, dass d'Ausländerwahlrecht duerch déi hënnescht Dir agefouert gëtt andeems d'Nationalitéit komplett verwässert gëtt an déi schonn niddreg Sproochekenntnisser nach reduzéiert ginn. Do soen mir ganz kloer: Nee Merci!

Mä mir soen Jo zu Moossnahmen wou d'Lëtzebuerger Sprooch méi eng Prominenz an der Ëffentlechkeet kritt. Zum Beispill: Lëtzebuergeresch op Gemengenwebsäiten (och däitsch an englesch) oder Stroosseschëlde op Lëtzebuergeresch. Dat sinn positiv Moossnahmen déi kengem weédinn. A virun allem eng méi grouss an eng besser Offer un Sproochecoursen an eng Verbesserung vum "congé linguistique".


Mir müssen dat maachen wat vill Ausländer eis soen: Dir musst Är Sprooch weisen, soss weess keen wéi wichteg se fir Iech ass!

[Read more ... 5.6.2015 Nee Merci zur Verwässerung vun der Nationalitéit](#)

3.6.2015

03 Jun 2015

(comments: 0)




[Read more ... 3.6.2015](#)

3.6.2015 Ass dat Argument mat den "Steieren bezuelen" valabel?

03 Jun 2015

(comments: 0)



Auslännesch Bierger bezuelen Steieren zu Lëtzebuerg, missten si dann net och en Recht hunn fir bei Nationalwahlen matzemaachen?

NEE, an deem Sënn dierften jo nëmmen nach déi Leit wielen déi hei am Land Steieren bezuelen. All déi Leit, Lëtzebuerger oder net, mat klengen Paien, Aarbechtsloser, Hausfraen, Studenten an déi Lëtzebuerger, déi am Ausland wunnen etc, kéinten dann jo net méi wielen.

An dann hätten mer erëm en Wahlsystem wéi virun 1919: Den sougenannten „suffrage censitaire“ bei deem just déi räich Leit konnte wielen goen, déi och genuch Steieren bezuelt hunn.

Ausserdeem missten dann jo och hei Frontalieren wielen kënnen wann se Steieren bezuelen an och zum Beispill en Associé vun enger lëtzebuergescher Entreprise, deen ausserhalb vun Lëtzebuerg iergendwou op der Welt wunnt an awer hei Steieren bezilt.

E Wahlrecht dierf ni gebonnen sinn un den economeschen Wäert deen eng Persoun leescht.

[Read more ... 3.6.2015 Ass dat Argument mat den "Steieren bezuelen" valabel?](#)

Page 52 of 63

- [« First](#)
- [Previous](#)
- [49](#)
- [50](#)
- [51](#)
- 52
- [53](#)
- [54](#)
- [55](#)
- [Next](#)
- [Last »](#)